



NVE



Bremanger  
kommune

Adresseinformasjon fylles inn ved ekspedering. Se mottakerliste nedenfor.

Vår dato: 03.10.2025

Vår ref.: 202511824-23 Oppgi ved kontakt

Dykkar ref.:

## Varsel om oppstart av områderegulering og høring av melding med forslag til plan- og utgreiingsprogram, for Myklebust- og Ramsskredfjellet vindkraftverk

**Noregs vassdrags- og energidirektorat (NVE) og Bremanger kommune har motteke melding om Myklebust- og Ramsskredfjellet vindkraftverk i Bremanger kommune i Vestland fylke.**

**Meldinga med framlegg til plan- og utgreiingsprogram er tilgjengeleg på NVE sine nettsider [www.nve.no/25734/A](http://www.nve.no/25734/A) og på kommunen sine nettsider <https://bremanger.kommune.no/>.**

I medhald av plan- og bygningslova §§ 12-8 og 12-9 varslar Bremanger kommune oppstart for områdereguleringa av Myklebust- og Ramsskredfjellet vindkraftverk samt høring og offentlig ettersyn av planprogram. Formålet med planarbeidet er å legge til rette for produksjon av vindkraft. Gjeldande arealplan for det varsla planområdet er kommuneplan for Bremanger, arealdelen 2024-2036, plan-ID 201804. Planområdet er her avsett til LNF-føremål (nødvendige tiltak for landbruk og gardstilknytt næringsverksemd, basert på garden sitt ressursgrunnlag), med unntak for eit mindre areal på Indrehus, med føremål næringsverksemd, BN64.

Meldinga med forslag til plan- og utgreiingsprogram dannar grunnlaget for

- ein områdereguleringsplan med konsekvensutgreiing etter plan- og bygningslova, i regi av Bremanger kommune
- konsesjonshandsaming etter energilova, i regi av NVE.

Kommunestyret i Bremanger kommune vedtek planprogrammet for forslaget til områderegulering. Utgreiingsprogrammet for konsesjonssøknaden vert fastsett av NVE. Vi tek sikte på eit felles plan- og utgreiingsprogram.



**NVE**  
Norges vassdrags-  
og energidirektorat



**Bremanger  
kommune**

## Invitasjon til offentlig møte

NVE og Bremanger kommune held offentlig møte om saka **tysdag 21. oktober kl. 18:00**. Møtet finn stad i Svelgen Samfunnshus, Gunnar Schjeldrups veg 12c, 6723 Svelgen. På møtet vil NVE og Bremanger kommune orientere om sakshandsaminga, og tiltakshavaren Zephyr AS vil informere om prosjektet. Møtet er oppe for alle.

## Høyringsfråsegn kan sendast NVE innan 28. november 2025

NVE sender Zephyr AS si melding og forslag til plan- og utgreiingsprogram på høyring. Dei som ynskjer, kan sende innspel til både varsel om oppstart, meldinga og til plan- og utgreiingsprogrammet. Etter avtale mellom NVE og kommunen, skal alle innspel sendast til NVE. Gjennom høyringa ønskjer vi å få innspel til forslaget i plan- og utgreiingsprogrammet, inkludert tema som manglar, spesielle lokale tilhøve som ikkje er ivaretekne og innspel til metodar som bør nyttast til særskilde tema.

Meldinga med framlegg til plan- og utgreiingsprogram er tilgjengeleg på NVE sine nettsider [www.nve.no/25734/A](http://www.nve.no/25734/A) og på kommunen sine nettsider <https://bremanger.kommune.no/>. På førespurnad er dokumenta tilgjengelege for offentlig ettersyn i hallen på rådhuset i Svelgen. Meldinga og varsel om oppstart av områderegulering er kunngjort i Firdaposten og Fjordenes Tidende.

Høyringsfråsegn til både oppstart av planarbeid og melding med forslag til plan- og utgreiingsprogram kan sendast til NVE på éin av følgjande måtar:

- via skjema for fråsegner, som de finn på internettsida [www.nve.no/25734/A](http://www.nve.no/25734/A)
- via e-post til [nve@nve.no](mailto:nve@nve.no) (merk e-post med «Høyringsfråsegn saksnummer 202511824 i emnefeltet, og skriv namn og/eller organisasjonsnummer i innleiinga)
- via brev til NVE, Postboks 5091, Majorstuen, 0301 OSLO

Fråsegnene er offentlege dokument som vil vere tilgjengelege på internett.

## NVE og Bremanger kommune samarbeider om høyringa

Bremanger kommune har avtalt at NVE kan varsle oppstart av planarbeid og sende forslag til planprogram for områdereguleringsplanen på høyring, saman med NVE si høyring av meldinga.

Eit varsel om oppstart av planarbeid informerer dei det gjeld og myndigheiter om at eit planarbeid skal starte. Varselet beskriv formålet med planlegginga og inviterer til innspel.

Meldinga gir eit tidleg varsel om planlegging av eit vindkraftverk. Meldinga inneheld omtale av prosjektet, oppsummering av forventa verknader, og forslag til kva som skal greiast ut før det kan søkast konsesjon.


Forslag til planprogram omtalar arealplanprosessen og dei tema som skal konsekvensutgreiast for å ivareta plansaka Områderegulering Myklebust- og Ramsskredfjellet vindkraftverk, plan-ID 4648.202403.



## Prosjektet

Myklebust- og Ramsskredfjellet vindkraftverk er planlagt på tre område: Myklebustfjellet, Ramsskredfjellet og Handkletua. Totalt installert effekt for det planlagde vindkraftverket er på 180-260 MW, og årleg energiproduksjon på 600-750 GWh, fordelt på 30-40 vindturbinar. Samla areal er på ca. 14,9 km<sup>2</sup>. Meldinga skisserer tilkomstvegar frå Guleslettene vindkraftverk og frå Indrehus. Det er skissert fleire alternativ for nettilknytning. Det er planlagt ein transformatorstasjon på Myklebustfjellet og ein på Ramsskredfjellet. Frå transformatorstasjonane er det planlagt 132 kV luftledning fram til eksisterande nett. Hovudalternativet er at delar av produksjonen går mot Magnhildskaret koplingsstasjon, og delar går til Svelgen transformatorstasjon, via Indrehus kraftstasjon. 66 kV-leidninga frå Indrehus kraftverk til Budalen må då oppgraderast til 132 kV.

I kartutsnittet under er foreslått planavgrensing for Områderegulering Myklebust- og Ramsskredfjellet vindkraftverk, vist med stipla linjer. Moglege tilkomstvegar er viste med raud linje.



## Tiltakshavar må orientere grunneigarar, rettshavarar, m. fl.

NVE ber Zephyr AS snarast sende høyringsbrevet til grunneigarar og rettshavarar som tiltaket vedkjem. Det vil seie grunneigarar, eigarar og festarar av heilårsbustader, fritidsbustader og næringsbygg, innanfor ei sone på minimum to kilometer frå yttergrensa til planområdet.



**NVE**  
Norges vassdrags-  
og energidirektorat



**Bremanger  
kommune**

I tillegg ber vi Zephyr AS orientere naboar og gjenbuarar til tilknytingsleidninga og tilkomstvegane. Med naboar meiner vi naboeigedomar; eigedom som har felles grense med den tomt som skal byggjast på, og gjenbuareigedom; eigedom der berre ein veg, gate, elv eller liknande ligg mellom.

Vi ber om at dokumentasjon om utsending med tilhøyrande adresseliste vert sendt til NVE.

Dersom Zephyr AS er kjenner til andre relevante høyringspartar som ikkje står på mottakarlista i dette brevet, ber vi dykk også orientere desse om høyringa.

## Anna

For meir informasjon om NVE si konsesjonshandsaming av vindkraftverk på land, viser vi til nettsida [Vindkraft på land - NVE](#). For generell informasjon om korleis vindkraft påverkar ulike tema, viser vi til nettsida [Kunnskapsgrunnlag om virkninger av vindkraft på land - NVE](#).

Vi gjer merksam på at Zephyr AS ber utgifter ved kunngjering og møter i samband med meldinga, jamfør plan- og bygningslova § 14-5.

## Spørsmål om saka?

Spørsmål om planane kan de rette til Zephyr AS v/Tom Erling Svendsen, tlf.: 40 62 25 77 eller e-post: [ts@zephyr.no](mailto:ts@zephyr.no). Opplysningar om NVE si sakshandsaming kan de få ved å kontakte NVE v/seksjon for Energikonsesjonar, tlf.: 40 44 74 59 eller e-post: [energikonsesjoner@nve.no](mailto:energikonsesjoner@nve.no). Opplysningar om Bremanger kommune si handsaming kan de få ved å kontakte Bremanger kommune v/Magnhild Myklebust, tlf.: 95 98 30 00 eller e-post: [magnhild.myklebust@bremanger.kommune.no](mailto:magnhild.myklebust@bremanger.kommune.no).

Med helsing

Velaug Mook

Seniorrådgiver

Godkjent etter NVE sine interne rutinar.

### Mottakarliste:

Mattilsynet avd. Nordfjord  
Linja AS  
Telenor servicesenter for nettutbygging  
FNF Sogn og Fjordane  
Naturvernforbundet Sogn og Fjordane  
Forsvaret



**NVE**  
Norges vassdrags-  
og energidirektorat



**Bremanger  
kommune**

Sivilforsvaret  
Keipen Turlag  
Grøfjellet beitelag  
Naturvernforbundet i Bremanger  
Bremanger kommune - rådet for menneke med nedsett funksjonsevne v/ Irene Storøy  
Bremanger kommune - eldrerådet v/ Leiar Aage Kvendseth  
Bremanger kommune, brannvesenet v/ Robert Endestad  
Kjelknes kvinne- og familielag  
Svelgen opp og fram v/ Kåre Myklebust  
Bremanger jeger og fiskeforening - Alf Håøy  
NVE - Norges vassdrags- og energidirektorat  
NORGES VASSDRAGS- OG ENERGIDIREKTORAT (NVE) - Norges Vassdrags- og Energidirektorat Vest  
STATENS VEGVESEN  
SVELGEN KRAFT AS  
ELKEM ASA  
Direktoratet for mineralforvaltning med Bergmesteren for Svalbard  
STATNETT SF  
Meteorologisk institutt  
BREMANGER KOMMUNE  
FORNYBAR NORGE  
NORGES NATURVERNFORBUND  
Forsvarsbygg  
Direktoratet for samfunnssikkerhet og beredskap (DSB)  
Norges Miljøvernforbund  
Nasjonal kommunikasjonsmyndighet  
TELIA NORGE AS  
TELENOR NORGE AS  
Birdlife Norge  
Luftfartstilsynet  
Norskog  
Sabima Samarbeidsrådet For Biologisk Mangfold  
Kystverket  
AVINOR AS  
Mattilsynet  
ZEPHYR AS  
NHO Reiseliv  
Zero Emission Resource Organisation AS  
Norges Skogeierforbund  
LA NATUREN LEVE  
Landbruksdirektoratet  
Grunneiere/rettighetshavere  
Norsk Luftambulans AS  
Norges Televisjon AS  
VEST POLITIDISTRIKT  
Norsk Friluftsliv  
NORGES LUFTSPORTFORBUND



**NVE**  
Norges vassdrags-  
og energidirektorat



**Bremanger  
kommune**

Naboer/gjenboere  
STATSFORVALTAREN I VESTLAND  
KINN KOMMUNE  
MOTVIND NORGE  
VESTLAND FYLKESKOMMUNE  
OFFSHORE NORGE AS  
ICE COMMUNICATION NORGE AS  
NHO LUFTFART  
Folkehelseutvalget i Motvind Norge

**Kopimottakarliste:**